

王慎軒著

女科醫學實驗錄

唐慎坊題



第四集

蘇州醫書新書目錄

中醫新論彙編

全國名醫著
王慎軒主編

全書四冊

實價 五元
一角五分半

婦

醫

代印者

蘇州閶門內西中市
文新印刷公司

發行者

蘇州閶門內吳趨坊
蘇州國醫書社

編輯者

王道濟 楊夢麟
談元生 顧志道
張又良 唐景昭
沈潛德 管愈之
王德箴 朱彩霞
郁佩英 吳中民

著者

王慎軒

中華民國廿一年十二月出版

女科醫學實驗錄(第四集)

全書四集實價大洋一元



女 科 專 家

王 慎 軒 診 例

〔門診〕

上午門診 一元二角 下午門診 二元四角
拔號加倍 特號加倍 貧病酌減 赤貧不計

〔出診〕

本城出診 診金五元 號金二角 車金八角
出城加倍 早晚加倍 遠道面議 貧病酌減

〔附例〕

改方一元 號金二角 丸方六元 號金二角
膏方六元 號金二角 通函論症 二元二角

〔診所〕

蘇州閶門內吳趨坊一百廿七號

〔電話〕

五百六十三號 (長途電話亦通)

女科醫學實驗錄序

慎軒夫子編著女科醫學實驗錄既竣弟子等合詞以頌曰夫子潛究今古精闡學驗內外兒婦百科無所不通而于女科更有心得故起沉痾而肉白骨如響斯應對險症而用奇藥着手成春登門乞診者踵趾相接執經問難者絡繹于途暇復從事著述莫不闡解透澈引證詳明出版行世者已得二十有六種今更以歷來治驗得意之方案不自珍祕抉擇精華彙輯成書公諸天下以誨後世使天下後世學者不必窮經研古而瞭然于婦女隱微繁疴之疾病而知所溫涼補瀉之要訣非學有淵源事有可徵邃理立言誨人不倦者其孰能之其孰願之顧允若先生謂夫子貪于學問能貪人所不能貪并貪人所不願貪今夫子之不吝誨人亦可謂能奢人所不能奢并奢人所不願奢將使天下後世女子無諱隱之疾有瓜瓞之歡強我民種繁我民族胥有賴焉夫子之功不在禹下夫子莞爾而笑曰利人濟世醫者之職臨診有所得以供知醫者之研究探討使具有悠久歷史之國醫代有發明不致因時代潮流之變遷而淘汰于無形則予之意也非敢云誨人烏足以語功卽論有功亦皆諸生贊襄輯錄之功耳又良不禁失聲而應曰唯唯同學有責之者曰又良不能奢夫子之奢貪夫子之貪而乃貪夫子之功乎又良不之辯夫子不加責遂退而記之因以爲序

中華民國二十一年十二月朔日門人張又良謹序于頤和精舍

女科醫學實驗錄第四集目錄

帶下腹痛治驗

帶下淋濁治驗

熱入血室治驗

血崩吐血治驗

驚恐血崩治驗

氣鬱血崩治驗

經閉咳嗽治驗

經閉腹癢治驗

經期呃逆治驗

經期咽痛治驗

痛經寒熱治驗

痛經不孕治驗

小產不孕治驗

孕婦子癰治驗

孕婦腹痛治驗

墮胎中毒治驗

早產急症治驗

產後溼溫治驗

產後冬溫治驗

產後風溫治驗

產後風溼治驗

產後血痺治驗

產後厥逆治驗

產後腎泄治驗

產後便閉治驗

乳汁不通治驗

乳癰腫痛治驗

老婦類中治驗

老婦昏迷治驗

歌女發狂治驗

老婦爛喉治驗

少婦肺炎治驗

室女咳嗽治驗

少婦咳血治驗

老婦咳喘治驗

室女胃癌治驗

老婦胃瘕治驗

婦人吐糞治驗

老婦重痢治驗

婦人陰挺治驗

女科醫學實驗錄 第四集

王慎軒 著

門 人

王德箴 唐景昭 楊夢麟
張又良 王道濟 顧志道
沈潛德 郁佩英 朱彤霞
談元生 管愈之 吳中民

全 輯

帶下腹痛治驗

光福鎮朱厚載夫人。年三十四歲。前年因患帶下。服市上所售之白帶丸。帶下略止。腹痛大作。再服西藥小蘇打片。腹痛即止。翌日復發。發即服。服即愈。迭發送服。愈服愈動。始僅一日發一次。繼則一日發三四次矣。始僅一次服一片。繼則一次須三五片矣。乃訪名醫診治。醫斷爲寒。治以熱藥。漸覺滿腹膨脹。嘔吐酸食。大便燥結。月經停止。再延月餘。更覺頭暈目花。形瘦骨立。羣醫束手。已待斃矣。嗣聞慎師醫名。勉強來城求診。望其面色黧黑。形容枯瘦。舌質紫黯。舌苔垢膩。按其脈象沉滑。尺部尤甚。腹部堅膨。擊之有聲。師曰。此症初因濕熱蘊於下焦。子宮內膜起炎。分泌增多。而爲帶下。繼因早投止帶之藥。子宮實質炎腫。刺激神經。而爲腹痛。再因迭服止痛之藥。腸胃神經麻痹。蠕動失常。消化乏力。故爲嘔吐膨脹便結也。久

則血液日虛。榮養日乏。故爲頭暈形瘦經停也。治此之法。決不可因其羸瘦而投滋補。豈不知叔和有曰。大實有羸狀。誤補益劇乎。必當瀉去其子宮所積之濕熱。消散其子宮所起之炎腫。方有治愈之望也。不然。濕熱不去。炎腫不退。血液何以自復。元氣必將虛脫矣。但羸瘦若此。攻伐實難。惟有遵仲景大黃蠱蟲丸補中緩下之意。乃用酒炒大黃五分。製甘遂一分。製黑丑三分。炒黃蘗一錢。肉桂心一分。研細末。飯爲丸。再用全當歸一錢半。人參鬚八分。陳廣皮八分。煎湯送丸。一服而大便通。再服而脹痛止。覆診用製香附。製蒼朮。炒川蘗。全當歸。京赤芍。紫丹參。赤茯苓。福澤瀉。車前子。沉香麴。大腹皮。春砂仁。白葵花。連服八劑。諸恙頓愈。後與調補之藥。適已康健如常矣。

帶下淋濁治驗

裴駕橋巷。錢姓婦。因其夫性喜漁色。致染梅毒。梅毒挾濕熱蘊於下焦。膀胱與胞宮內膜起炎。因而小溲渾濁。淋瀝疼痛。帶下連綿。生育艱難。恙延多年。元氣日虛。又增溲時墜脹。溺意頻數。日數十次。痛苦不堪。遍服方藥。毫無功效。後經友人介紹來診。見其垂首不語。面王下赤。脈象滑數。兩尺尤甚。舌苔黃膩。尖邊赤絳。經云。女子在于面王下。爲膀胱子宮之病。參以

脈舌。當是濕熱蘊於膀胱子宮之病因。問之曰爾。病淋帶乎。答曰然。先生何其神耶。遂將病源症狀。和盤托出。乃用八正湯。去大黃。加土茯苓。土貝母。牛膝稍。兩頭尖。血珀屑。清甯丸。二劑後。小洩頻數稍減。淋痛帶下亦輕。惟溺時墜脹尚甚。再以前方去山梔。木通。兩頭尖。血珀屑。清甯丸。加升麻。香附。烏藥。益智仁。三劑後。墜脹大減。淋痛已止。仍守原方出入。囑其暫忌房幃。必可痊愈。三月後。其母患病。偕來就診。詢及舊恙。果已霍然。

熱入血室治驗

通安橋趙氏婦。月經適來。感寒卽止。寒熱往來。頭目眩暈。骨節痠楚。胸次痞悶。兩脅疼痛如刺。少腹硬痛拒按。舌苔白而微黃。舌質紅而帶黯。面色微青。脈象弦數。王師先用小柴胡湯。去人參。加荊芥炭。白蒺藜。西秦艽。京赤芍。桃仁泥。藏紅花。旋覆花。橘皮絡。服後寒熱卽減。表證均輕。惟少腹硬痛尚甚。二便均不通利。心神煩躁。有如狂狀。乃再用桃仁承氣湯去桂枝。加肉桂心。當歸尾。京赤芍。藏紅花。旋覆花。橘皮絡。製香附。金鈴子。玄胡索。服後瀉下黑糞。諸恙頓瘳。惟胸次不暢。納穀不旺。乃與理氣和榮藥調理而安。

門人德箴謹按。此症先用小柴胡湯。後用桃仁承氣湯。夫熱入血室用小柴胡湯。仲師

已有明文矣。但用桃仁承氣湯者。何耶。蓋仲師之所謂熱結膀胱者。亦即熱入血室之互詞也。傷寒論曰。太陽病不解。熱結膀胱。其人如狂。……外解已。但少腹急結者。宜桃仁承氣湯。此即熱入血室之瘀血停積症也。不然。膀胱爲蓄尿之所。熱結膀胱。祇須用五苓散等通其小便。何必用桃仁承氣湯下其瘀血乎。王師研究仲景之書。深有心得。故能應用其方而取效也。

血崩吐血治驗

失血一症。本有禁用人參之例。蓋人參功能興奮神經。及增進血壓。神經興奮。則血行必速。血壓增進。則血易妄行。實有使失血加重之害也。惟古人又有血脫益氣。及補氣攝血之法。常用人參以挽救垂絕之血症。此何故耶。蓋血脫益氣者。乃指大脫血之後。全身失養。機能衰竭。細胞渙散。勢將虛脫。則當重用人參以挽救之。補氣攝血者。乃指大病之後。或年高之人。神經已虛。固攝無權。驟患失血。毫無熱症。則亦當用人參以補攝之。除此二例之外。決不可妄投人參也。如烏龍巷口顧姓婦人。初患吐血。曾經王師用祛瘀涼血藥治之。病已略減。鄰婦謂吐血屬虛。宜服人參。適有家藏參末。遂吞服之。忽覺血冒如湧。經冲如崩。舉家驚惶。

急請王師往診。診其脈象。弦數而亂。望其面色。戴陽而紫。問其病狀。頭暈目花。察其呼吸。氣短而急。師曰。此乃誤服人參。增進血壓。血液妄行所致。遂與鮮生地、清阿膠、左牡蠣、花龍骨、靈磁石、龜版炭、側柏炭、鮮竹茹、嫩白薇、女貞子、墨旱蓮、參三七、鮮藕汁。一服血減。兩服血止。後與調補而全愈。然則由是觀之。血症誤服人參。確有大害。負司命之責者。可不以此案爲炯戒乎。

驚恐血崩治驗

本城東花橋巷潘經耜先生之如夫人。因旅居滬濱。值暴日肇戰。驟聞砲聲轟烈。人聲鼎沸。驚恐非常。卽欲返蘇。惟鐵道已被炸毀。火車已不通行。祇得乘輪船而返矣。詎意船至中途。因機壞而連停兩天。因食盡而受餓竟日。以致到蘇之後。驟患大病。始則大笑不止。繼則血崩不已。迭延中西名醫診治。笑雖止而崩更甚。且頭眩目瞤。心悸腰痠。乍寒乍熱。不食不眠。病日危矣。幸得打線巷潘梅蓀先生。介紹王師往診。診得脈象弦促。促乃神經衰弱中之虛性興奮。興奮則血流過速。而易于妄行。弦乃血液失亡時之神經緊張。緊張則血管變硬。而易于破裂。如此脈象。大有暴崩虛脫之慮。惟是醫爲仁術。義難坐視。輾轉思維。冀圖挽救。因

思內經曰。驚則氣亂。恐則氣下。夫氣亂者。當鎮靜之。氣下者。當固瀉之。遂用龍骨、龍齒、牡蠣、龜版、茯神、棗仁、遠志、甘草、白芍、沙苑、地榆、樛炭、藕節炭、震靈丹。一劑知。兩劑已。即能來寓覆診。再宗前意調補而愈。

氣鬱血崩治驗

衛道觀前。許姓婦人。始則經期屢愆。繼則經愆三月。忽患血崩。崩下成塊。且患腕痛。痛勢甚劇。醫用止痛止崩藥。不效。急延王師往診。脈象弦瀉。舌質淡紫。斷爲氣鬱而血液不循常道。血瘀而新血不得歸經。用製香附、廣鬱金、荊芥炭、旋覆花、瓦楞殼、仙半夏、陳廣皮、春砂仁、沉香麴、炒丹參、炒歸身、參三七、炒藕節、失笑散。一劑知。兩劑已。門人德箴喜其取效之甚速也。故特濡筆以誌之。

經閉咳嗽治驗

橫涇陳月庵夫人。感冒風寒。咳嗽多痰。醫以滋陰補肺藥治之。兩劑而愈。旬餘又發。又進兩劑。咳嗽亦減。但從此乾咳無痰。音啞不揚。漸至形瘦潮熱。納少經閉。復請前醫診治。曰。陰虛已甚。恐難完璧。投以大補之藥。如人參、沙參、生地、熟地、阿膠、麥冬等類。無不重用。非特無效。

反覺增病。痰鳴氣逆。不能平臥。胸滿腹脹。不能多食。大便溏泄。小洩澀少。易醫診治。亦無應效。嗣聞王師醫名。買棹來診。望其面色黧黑舌質青紫。診其脈象滑大重。按有力。師曰。此因傷風誤補而成者也。幸得脈症相符。尚可挽救。乃與炒荊芥、炒防風、祛其風。半夏、橘紅、化其痰。杏仁、旋覆、順其氣。厚朴、枳櫚、消其痞。萊菔子、解其補藥。炒枳殼、消其壅滯。茯苓、通草、通小便而止溏泄。乾薑、甘草、健脾胃以資生化。連服二劑。喘平咳減。痰消食增。再以前方去枳櫚、厚朴、萊菔子。加川貝、遠志、合歡皮。又服兩劑。咳嗽大減。諸恙均差。乃用旋覆花、嫩前胡、苦杏仁、川貝母、雲茯苓、遠志肉、炙甘草、廣橘紅、仙半夏、炙款冬、冬瓜子、合歡皮、止嗽散。服至八劑。咳嗽已愈。乃再與調理脾胃、益血和榮之藥。爲丸服之。逾月而經通體健矣。

經閉腹癢治驗

廟堂巷錢姓女。年十八歲。夏月多食西瓜。始覺腹痛。繼覺有塊。踰三月。腹笥漸大。經水亦停。日進祛瘀通經之藥。漸至形瘦肉脫。臥床不起。舉家惶惶。已備後事矣。幸其病者之姑母。因病來診。談及渠病。王師認爲可治。姑往一診。以試之。診其脈象弦遲。望其舌苔白膩。按其腹部。膨大如鼓。輕擊之。嗒嗒有聲。重按之。隱隱作痛。知其病在氣分而不在血分。乃氣脹而非

血暈也。血暈初起。月經必閉。氣暈初起。月經時下。此症經閉於三月之後。乃因氣病而累及血分。固不可誤認爲血暈。而妄用祛瘀通經之藥也。夫治病之道。貴治其本。此病起於多食西瓜。傷伐陽氣。陽氣既虛。濕濁不化。故致凝聚而爲暈脹。必須助陽氣而化濕濁。方有可愈之望。乃用附子、肉桂、乾薑等藥。助其陽氣。蒼朮、厚朴、陳皮等藥。化其濕濁。服一劑。腹中微響。腹痕略輕。服兩劑。腹中雷鳴。腹脹頓消。後與調補之藥。形肉漸復。月經亦通。邇已康健如常矣。

經期呃逆治驗

左鄰周錦記戲巾舖小主婦。經期忽患呃逆。醫用丁香柿蒂湯合旋覆代赭石湯加味。無效。求王師診。望其舌苔黃膩而厚。聞其呃聲連續而高。問其兼症。腹滿便閉。診其脈象。滑數有力。師曰。此乃宿食積於腸胃。濁氣不得下達。上迫於橫膈膜。橫膈膜起攣蹙而爲呃逆也。夫今所謂呃逆者。卽古之所謂噦也。內經云。噦以草刺鼻。令嚏而已。金匱云。噦而腹滿。視其前後。知何部不利。利之卽愈。乃卽遵照內經金匱之法。令用通關散聞鼻以取嚏。並用小承氣湯下之。日哺進治。黃昏卽愈。翌日來診。僅覺腹部略有不舒。月經來而太多。乃再與調理之。

藥。連服兩劑即得康健。

經期咽痛治驗

包衛前。方菊生夫人。素體肥盛。且多痰濕。偶患咽痛。適值經期。求治於醫。初用桑丹、黃連清之。經水即止。繼用大黃、枳實下之。忽然暈厥。急請慎師往診。診其六脈沉伏。撫其四肢冰冷。師曰。此因陽虛之體。誤服寒下之藥。陽氣暴脫。神經衰竭。雖有仙丹。恐難挽救。惟有先灸氣海關元。冀其甦醒。方可進藥。乃用熟艾引火灸之。連灸數壯。始得漸甦。再與四逆湯煎服之。厥回脈起。乃獲再生。且咽痛已愈。經行亦爽矣。由此可見咽痛一症。未可概投涼藥。且中醫灸法。實可補湯藥之不及。吾儕學者。亟宜深加研究也。

痛經寒熱治驗

德安里。唐鵬程夫人。每逢經期。必發寒熱。腹脹疼痛。胸悶泛噁。已延四年有餘矣。一醫與以四物湯加青蒿、黃芩、地骨皮等藥。寒熱反盛。腹痛益劇。甚致痛極而厥。神識不清。急延王師往診。時已夜間九時矣。望其舌苔薄白而膩。診其脈象弦細而濡。因問鵬程曰。尊夫人貴恙。起於悲思抑鬱乎。曰。然。因殤子而起也。遂與香附、紫蘇、柴胡、赤芍、茯神、枳殼、陳皮、半夏、肉桂、

沉香、玄胡、鬱金、石菖蒲、失笑散。煎服之後。腹痛大減。昏厥亦差。次日覆診。再以前方去肉桂、沉香、石菖蒲。加荊芥、砂仁、沉香、麴。連服兩劑。諸恙頓瘳。踰月又來就診。謂經來腹痛已止。寒熱亦愈。但覺胸腹略有不舒之狀。懇擬丸方。以除病根。乃宗前意擬訂。彼即欣然受方而去。

痛經不孕治驗

濂溪坊王永康夫人。夙摶痛經。多年不孕。歷訪名醫。終未獲效。嗣求王師診治。投以製香附、全當歸、大川芎、紫丹參、赤茯苓、陳廣皮、仙半夏、單桃仁、杜紅花、川牛膝、川澤蘭、玄胡索、紫石英、沉降香。逾四月。經不來。形寒頭眩。胸悶納少。恐係患病。復來就診。診其六脈細滑。左尺動甚。曰。孕已三月矣。問男耶女耶。曰。男也。惟素體血虛。脈見細象。恐其血不養胎。有小產之虞。務宜謹慎調治。以防不測。乃先與老蘇梗、春砂仁、陳廣皮、薑竹茹等。理氣和胃而止嘔。白歸身、炒白芍、焦白朮、雲白苓等。健脾補血以安胎。再與千金保孕丸常服之。果得十月滿足。產下男孩。彌月湯餅之會。永康舉樽而對王師曰。今日之樂。乃先生之所賜也。其欣喜之狀。誠有不可言喻者也。

小產不孕治驗

上海中央銀行徐千麟先生之夫人。結褵多年。屢患小產。且因小產之後。迭患諸恙。頭目眩暈。口舌碎痛。臍腹膨脹。腑行泄瀉。帶下連綿。經期不準。因來求治於王師。診得脈象弦遲。望得舌色光剝。據述迭請諸醫診治。咸謂舌色光剝。則治宜滋潤。大便泄瀉。則治宜溫燥。用藥極難。治愈不易。故致久而不愈也。師曰。此症之舌光者。乃因泄瀉已久。津液不得上承耳。若泄瀉一止。則舌光亦愈。請釋慮焉。遂用理中湯。加木香、砂仁、牡蠣、澤瀉、車前、通草、穀芽、麥芽、陳皮、荷葉。連服兩劑。病果減輕。再以前方加減。遽獲全愈。次年得生一子。合家均極欣喜矣。

孕婦子痢治驗

嚴衙前顧竹庵夫人。懷麟九月。患子痢症。咳逆頭痛。督悶嘔噦。甚則昏厥。面浮肢腫。大便不通。小溲澹少。曾見腹痛欲產之象。迭延諸醫診治。均用羚羊角散加減。浮腫雖輕。昏厥時作。幸賴名醫艾步蟾先生介紹王師往診。師曰。此係胎病累母。必須胎下始安。否則不能爲也。蓋胎兒之血液循環。係由母體之鮮紅動血。由胎靜脈輸入於胎。營其新陳代謝之功能。於是吸取養料。排除廢物。成爲紫暗之靜血。由胎動脈復還於母體。從大靜脈而入心。經肺動脈以入肺。呼炭吸養。復變鮮紅之血。如此周而復始。無有止時。是則孕母以一體之臟器。

行二體之工作。若其胎體之廢物較少。母體之工作強健。則尙能安然無恙。倘其胎體之廢物過多。母體之工作衰弱。必與釀成疾病矣。如此症之發生。亦必因胎兒之組織異常。排泄之廢物過多。初時尙不發覺。厥後愈積愈多。廢物變爲毒質。一身盡蒙其害。在肺則爲咳逆。在心則爲脅悶。在胃則爲嘔噦。甚則刺激於腦神經而爲頭痛。再甚則神經麻痺而爲昏厥。且九月重身。胎兒已大。前壓膀胱。則洩少。後礙直腸。則便閉。二便既不通。廢物更乏出路。故致病勢日重。昏厥日作也。夫治病之道。必須求其所因。伏其所主。此病之原因。既在於胎。則下去其胎。實卽爲此病之根本療法。况日前已見腹痛欲產之象。胡不乘勢下之。當此胎兒已大之時。下胎之後。母子均尙可活。倘再姑息養奸。任其屢次發厥。深恐母子兩命。俱難保矣。病家深信王師言。但問下胎之後。母命可保全乎。師曰。祇須用穩當下胎之法。必可使產母安全。請弗慮焉。何謂穩當下胎之法。蓋不用毒藥墮胎。不與峻藥破血。惟服催生之藥。使其早日產下耳。遂用滑胎飲。加旋覆、代赭、沉香、枳殼、茯神、半夏、貝母、萊菔子、橘皮、絡石、決明等。一劑而嘔吐咳逆大減。頭痛暈厥亦輕。再劑而胎胞俱下。子母俱安。從此諸恙霍然矣。後因偶感風寒。小有寒熱。復請王師治愈。故知前恙已痊。